

Headline	Peluang ikuti pengajian di UiTM		
MediaTitle	Sinar Harian (Utara)		
Date	10 Apr 2014	Color	Full Color
Section	NEWS	Circulation	160,000
Page No	43	Readership	509,000
Language	Malay	ArticleSize	108 cm ²
Journalist	N/A	AdValue	RM 548
Frequency	Daily	PR Value	RM 1,644



Peluang ikuti pengajian di UiTM

KUALA NERANG - Persatuan Penjaja dan Peniaga Kecil Melayu Negeri Kedah cawangan Padang Terap dengan kerjasama Universiti Institut Teknologi Mara (UiTM) akan mengadakan Program Mengubah Destini Anak Bangsa.

Pengerusinya, Ahmad Shariff berkata, program selama sehari ini ialah bertujuan memberi peluang kepada pelajar yang tidak layak memasuki ke institut pengajian tinggi awam nanti supaya mereka mendaftar untuk memohonnya.

Menurutnya, program itu diadakan di Padang Terap supaya pelajar yang tinggal di luar bandar mengambil kesempatan ini untuk mendaftar dan mengikuti pengajian selama enam bulan di UiTM nanti.

"Program ini akan diuruskan pensyarah dari UiTM dan terdapat sesi soal jawab bersama mereka supaya pelajar yang tercicir dari IPTA masih boleh lagi mengikutinya. Jika selama enam bulan mereka menunjuk keputusan yang cemerlang pelajar ini akan diserap masuk ke UiTM.



AHMAD

"Selain itu, ia juga diadakan di luar bandar supaya dapat mengesan pelajar yang kurang bernasib baik dalam Sijil Pelajaran Malaysia tetapi mempunyai semangat untuk berjaya dalam bidang akademik," katanya.

Program ini akan diadakan pada 12 April di Dewan Tunku Putra, Majlis Daerah Padang Terap.

Waktu pendaftaran dan pengisian borang ialah pada jam 8 pagi.

Orang ramai dijemput hadir.